

C tudinem intuentes frequenter adhibendam phlebotomiam, atq; clysteres, & uentri flua medicamina, quæ catartica uocant, iubent: & magis diacameleos appellant, quibus necessarid corruptentes agrotos in peiorem habitudinem corporis uertunt, quem Græci cachexian uocant. Item alij corruptione hoc fieri, atq; mutatione ex uenenis effecta æstimantes, temperatiuis uti medicaminibus decreuerunt: Ex quibus magis asininio lacte agrotantes potandos imperat simplicis, uel accurato, quod schiston appellant. Item uino dulci, & cibis similibus, quibus foeda digestionem corruptis maior efficitur corporis corruptio. Ordinant præterea theriacam dandam, quam cuncti Mithridatiū appellamus: Quæ quidē recorporatiua uirtute mederi posse perspicitur. Dant etiam uiperas mandendas, sed amputato capite atq; cauda, mensura digitorum quatuor, cætera coquentes atq; obdulcates sale & oleo agris offerunt comedenda. Alij etiã aqua ex labris quibus candēs tingitur ab operantibus ferrum potandos dicunt: cum sit hæc passio secundū plurimos scriptores ex aqua graui, quæ aut natura, aut aliqua corruptiōne foedata sit, sæpius generata. Alij quoq; etiã cutis uulnerationē affectandam probant, qua corpus exhumoretur: neq; cunctis cōmune iudicium, & ignaris cognitū prouidentes, quod peiorante passione superficies corporis ulceretur. Itē alij agrotū in ea ciuitate quæ nunquā fuerit isto morbo uexata, si fuerit peregrinus, cludendum probant, ciuem uero longius exulare, aut locis mediterraneis, & frigidis consistere ab hominibus separatam, exinde reuocari, si meliorem receperit ualetudinem, quo possint ceteri ciues nulla istius passionis contagione fauciari. Sed hī agrotantē destitutū magis imperat quam curandum, quod à se alienum humanitas approbat medicinx.

DE PHTHIRIASI

CAP: II.

D
φθιρίασις.



Pediculi fcales.

φθιρίασις.

ὄλεος ἄρθου.

Antecedente cachexia etiã hoc symptoma generatur, quod nos accidens dicere poterimus. Sumpsit igitur nomen non à genere, sed à multitudine pediculorum: Plurimi enim creantur nunc per totum corpus, nunc per eas partes quæ capillatura cōceptæ sunt: & nunc consueti atq; simplicis formæ, nunc ignoti, hoc est latiores, & duri magis ac sæuientes morsibus uehementē, quos quidam ferales appellant: Nam sæpe etiam sub capillis inueniuntur corpora penetrasse. Sequuntur autem agrotantes uigiliæ & pruritus corporis, atq; pallor, cibi fastidium, & stomachi debilitas, & caluities: & est passio solutionis cholerae rubrae egestione plurima per tenues uias emergente, qua hæc animalia generantur. Deniq; superpositionis tempore iacere oportet agrotos loco mediocriter frigido, atq; cibis constrictiuis, & temporibus iam sæpe demonstratis refici. Fomenta uero & perunctiones, & cataplasmata membratim erunt adhibenda, qualia Themison elephantiacis curas ordinauit. Sed ea loca quæ capillatura uestita sunt erunt præterea radenda, superpositione resumptio adhibenda, atq; recorporatio, sicut in cachecticis, uel elephantiacis ordinauimus, sed iugia adhibenda smegmata, quæ nos lacescentes, atq; purgatiuos pulueres nuncupamus. Item unctioes magis, cum mox fuerit capillatura derasa præfortis partibus aqua marina, uel aceto salso. Sunt hæc deniq; plurima speciatim posita, ut bulbi cum nitro atq; oleo contriti, quo mellis faciat crassitudinem, ex quibus corpus erit illinendum. Item staphysagria cum aceto atq; oleo trita, uel infusa aceto & oleo, tunc contrita cum falis flore, quem Græci halos anthos uocant, donec liquidū mellis similitudinē faciat. Nunc etiã cum sulphure uiuo atq; aceto: Vel ita ponderibus



A deribus composita medicamina, staphysagria drachmas duas, sandaracæ drachmas duas, nitri obolos duos, admixto oleo & aceto, donec in mellis crassitudine ueniat. Vel sandaraca cum oleo, & nunc staphysagria, & abrotanum æquis ponderibus admixta calce, quam Græci conin uocant, & hijs similibus. Palpebris autem erunt adhibendi sicci pulueres, atq; collyria, quæ Græci phlepharica uocant, nos palpebraria dicere poterimus, ex are usto, atq; aneso asso: sed & lapide scisso, & pipere, & staphysagria confecta. Hæc etiam in hijs qui præter phthiria sin pruritu uexantur sunt adhibenda, adiectis magis feruentioribus aquis in usu lauacri, & asperginibus pulueris ex thure & nitro, & sulphure confecti. Item solicationes, quas Græci helioses uocant, adhibendæ sunt: Dropaces quoq; & uomitum radicum, & ea quæ iam sæpe de alijs memorauimus scribentes passionibus, quæ corpus recorporatiua uirtute fortificare, atq; in meliorem habitudine commutare ualeant: Sic enim detracta corporis cachexia, quam nos malam habitudinem dicere poterimus, eius quoq; comitantia depellentur.

λόνη.
καλλιρία βλη-
φάρικα.

ηλίωση.

DE VENTRICVLOSIS, QVOS GRÆCI
coelacos uocant, & de cæteris defluxionibus.

κοιλιακή.

CAPVT III.



Enterocolosa passio, quam Græci coeliacen uocant, à parte corporis quæ patitur nomen accepit. Generatur ex antecedenti indigestione continua, uel tumore uehementi, aut dysenteria. Sequitur in hac passione constitutos uaria stercorum egestio qualitate atque colore, nunc tenuis ac soluta, nunc aspera & inæqualis, uel constricta, & nunc alba, nunc similis urinx camelorum, nunc flaua & spumosa, nunc prasina uel liuida, aut nigra, aut purulenta, aut sanguinea, cum graui fœtore & rugitu intestinorū, quem Græci borborismum appellant, atq; in exitu sonitū, & post effusionem factæ uelut scatenis stercoris uesiculæ: & nunc iugiter nocte atque die, nunc coadceruatim, sed interiecto spatio, ut per diem bis uel semel, aut interpositis uno uel duobus diebus, aut eo amplius: & nunc cum tensione atq; uentositate, & tormento, uel dolore aut singultu confidente, atque conducta cute quæ uentrem circumtegit, attestante siti, & ipsius uentris feruore, & leui in interioribus torpore frigido: Sequuntur etiam uigilia, fastidium cibi, & aliquibus plurimus appetitus, uiriū debilitas, pallor subalbidus, & nunc febres, dehinc corporis odor teter plurimus, ut etiam quæ suis manibus tetigerunt computrescant, & difficile careant odore concepto. Tum uultus inflatio atq; pedum: Quibusdam etiam dysenteria congeneratur, cum facile fuerint intestina ulcerata, ob defluentiu acrimoniam. Est autem passio solutionis, & aliquando stricturæ complexa: Siquidem aliqua eius uideantur esse coniuncta, ut ex sup: adiectis conijcitur: sed discernitur à speciali reumatismo uentris: Siquidem plurimæ in ipso fiant egestiones, sed non uariæ supradictis concursibus. Quapropter cum adhuc noua, uel emergens fuerit passio, nec plurimi temporis, sed in superpositione constituta, quam Græci epitalin uocant, erit eo tempore locandus ægrotans constrictiua ratione, ut sæpe docuimus, adhibita requie: & quantum uires permiserint, abstinentia: Etenim ad perferendum atq; corpori adpropriandum cibum sumptum; nunc uenter patiens indignatur, tanquam oculi patientes uisus officio: in qua ætati somnus etiam plurimus curandus, atque sitis, & lanis mollibus uenter contegendus leuiter oleo hispano prætractus, uel melino, aut rosaceo, aut murtino, aut lentiscino oleo. Ac si uentositate quoq; uel tormento affecti fuerint ægrotantes, dul-

κοιλιακή.

βορβορισμός, ή
βορβορισμοί.

Reumatismus
uentris.

επιταλιν.